

ХАНТЫ ЯСАҢ



Основана
1 ноября 1957 года

18.11.2021
№ 22 (3586)

Муй пӓта хӓнты неӓӓт ухшамӓт тӓйӓӓт



Зоя Захаровна Сидорова Сӓмӓтвош эвӓлт «Хошум хот» тӓхийн шуши мир неӓӓт русеӓ ухшамӓт ёнтты щирӓта тӓса па хурасӓӓа вӓндтӓслӓ. Л. Вынгилева китум хур

Округ кӓща
неӓев пида
вӓйтантупсы

» 2

Ар хилы
тӓйты
ими

» 13

Велци
университета
юхӓтсум...

» 14-15

Округ кәщә неңев пида вәйтәнтупсы

Ас потты тылғаш 15-мит хәтлән округ кәщә не Наталья Комарова айкеләт әкәттә ех эвәлт китум иньщәсупсәта онлайн щирн юхды ясқәт лупәс. Ийха лүңәттә ки, айкеләт әкәттә 119 хуят иньщәсупсәт китсәт, 900 щурәс хуят щә мирхот вантсәт, нәлкәм щос мәр Н.В. Комарова 50 иньщәсупсыя юхды ясқәл мәслә.

Мет сыры иньщәссы, муй пәта мұв илпи питы вуй вұты тәхет пәта вән вәт версы? Юхды лұв лупәс, мұң мұвев эвәлт шеңк давәрт питы вуй вұты, щирн интәм Госдума депутатәт нәмәсләт, вәт ая верты пәта муйсәр поступсәт ләщәттә мосл.

Тәнял ол киньщи тәм ол яң тылғаш мәр 1,2 миллион тонная аршәк питы вуй нух талсы. Интәм мұвев-ийңкев давәлдәтә щира питы вуй вұты тәхет 13% арат шимәлшәк мұв шәкәлдәтә питсәт. Щә ям вера округ бюджет эвәлт 230 миллиард шойт вух мәнд.

Нувә тūt мәты вер олаңән путәртмәлдн лупәс, мәтты ки округев луваттәйн Никсулкина, Шугур па Няксимволь кәртәтн хәтл эвәлт тūt вұты щүңк версы. Тәп мұң увәс мұвевн хәтләң хәтл шимл, щирн гидростанцияйт мет ар нувә тūt мәлдәт. Щә тумпи округев хұваттәйн газ унтасн нувә тūt мәты сот тәхи рәпитл, щит ол мәр 14 миллиард киловатт тūt мәды.

Йилуп коронавирүс мәш эвәлт давәрт пура питәс, арсыр тәхета немәсыя код пида яңхты рәхл. Щирн мирхот пурайн щә вер олаңән ищи путәр мәнәс. Округ губернатор не COVID-19 мәшн ән хойты пәта хәт пұш «Спутник V» немпи прививка доньщәс.



Н.В. Комарова. informugra.ru сайт эвәлт вұюм хур

» Интәм округев луваттәйн 750 щурәс хуят олаңмит прививка тәйл, щит 50% иса Югра мұвевн вәлдәтә мир эвәлт. Мосл, ләдн 80% арат хәннәхә прививка ат доньщәсәт, – лупәс округ кәщә не.

Ин госдума депутатәт елды щә мәш ән тәйтәтә щира QR-код немпи ут тәйтәтә пәта немәсыя поступсы ләщәттә нумәс тәйләт.

Иньщәссы, хән Нижневартөвск вошн йилуп пәдъница омәсләт? Уша йис, хуты ин 75% арат рәпата верман вәл, 2022-мит ол кимит квартал пурайн етшуптәды.

Россия мұвев президент ики па правительства кәщәйт мосты непекин әш посәт пунсәт, ләдн Сәрханл вош пұңәлн Ас

шәпи йилуп кимит нурум ат версы. Щит 2022-мит олн талты олңитлды па 2025-мит олн етшуптәды. Щә вера 62,85 миллиард шойт вух мәнд.

2024-мит ол вұш эвәлт 2026-мит ол вәнты Мегион вошн мәшәң нәврәмәт вәндәтәтә пәта йилуп әш-кола омәсләт.

Мирхотн Увәс мұвевн вәлдәтә ех пәта вухәң нәтупсы олаңән ищи путәр мәнәс. Наталья Владимировна лупәс, хуты иса муй верл, ләдн щитәт ат хәщсәт, вантә, мұң ищқи мұвн вәлдүв па рәпитлүв.

Па хон пеләк Сирия мұв эвәлт айкеләт әкәттә хә мұң губернаторәва вұща ясәң китәс па сирийской нәврәмәт Югра мұвн рұтшәтәтә па вәндәтәйлдәтә вер олаңән иньщәсәс. Юхды

Н.В. Комарова дывел мойңа вохсәлә па ястәс, хуты дыв айлат ехләл мұң округевн вәндәтәйлдәтә веритләт.

Мирхот пурайн Н.В. Комарова ләваса яңхты ампәт олаңән путәртәс:

» Интәм округев луваттәйн ләваса 3,8 щурәскәм амп вәл, щит вән шәк. Вантә, тәмванән Лаңқи посвошн щимәщампәтими пурсәт, лұв пәдъницайн әнтәма йис. Щимәщ сурт тұңматты пәта округ бюджет эвәлт 39 миллион шойт вух мәсы.

«Луима сәрипос» немпи вухәл мир газетәйн рәпитты не Людмила Теткина иньщәсәс:

» Хулимсунт – Агириш» тәл еңк әш хән талты питлды. Тәдн 2020-мит олн Светлой кәрт мухты машинайтн яңхсәт, щә әш сот верста хұвшәк. Щит «ГазпромТрансгаз-Югорск» немпи газ вұты тәхи технической әш, щә әш хұват газ турпа йил, щирн щәта яңхты ән рәхл. Агириш кәрт мухты па кәртәта әш ваншәк питл, мосәң, тәм тәдн щә еңк әш пұншлды?

Юхды округ кәщә не лупәс, хуты щә тәл еңк әш талты пәта рәхты непекаәт ләщәттә мосл.

Путәр хәншәс:
Людмила Гурьева



Мўвәт вантман яңхты ёх вән мирхот

«ЮграТур 2021» немуп вән мирхот Югра хуца 2001-мит ол эвәлт верәнтла. Тәта арсыр мир мўвәт вантман яңхты ёх верәт олаңан путәртләт. Тәм мирхот Югра кәща ёхлүв туризм Федеральной агентства пида пилтәшман ләщәтсәт.

Тәм олд верум форум Ас потты тыләщ 12-13-мит хәтлән вәс, тәх мирхотәт карты щүңкәт мухты верәнтсайт, тәх тәхетн па ёх әктәшман путәртсәт. Тәм вән мирхота путәртты щира арсыр ёх әктәшсәт, щит Россия мўвев 36 тәхи эвәлт па па хон пеләк вет мўв эвәлт. Тәта сыр-сыр верәт олаңан путәр вәс, щи путрәт ар хурасупа мәнсәт, тәх путрәт ёңта пәсанән, вәнлтәты семинарәтн вәсәт па Уральской федеральной округ ёх ванл-тупсәт верәнтсәт. Хўв мәр путәртсәт мўң ванән вәлты мўвлүв ёх күтэв ән яңхты олаңан.

Карты щүңк мухты әктәшум ёха ям вўща ясаң Югра кәща Наталья Комарова китәс. Щәлта па лүв тәм округ верәт олаңан путәртәс. Лүв ясәлн, тәм ол эвәлт «Туризм и индустрия гостеприимства» проект мәнл. Тәм верәт ләщәтты пәта ёх вухн мәдыйт. Щи вухәт сыр-сыр верәт пәта

мәнләт. Щит мўвәт вантман яңхты ёх муй тәхия тәтәл-тәты, муй дывела ванл-тәты, муй тәхийн дыв вәл-ты-холты питләт.

Югра кәща ясаңан, мўң мўвев юкан пищ тайл, щит шуши мир вәлупсы вантман яңхты верәт. Лүв путәртәс, мўң округевн муйсәр верәт мет олаң ләщәтты питлайт:

» Тәм олаңн мўң Россия мўв вер хуца рәпитман вәллүв, щи мухты партупсы

тайлүв, муй вўрн рўтыщәты верәт ләщәтты. Тәм хәтләтн мўң яха рәпитты непек Москва хон вошев пида па «ЛУКОЙЛ» немпи тәхи ёх пида тайлүв.

Тәм олаңн округ кәща ёхлүв нумсәт щи верәт пела мәнләт, муй вўрн тәм яха пилтәшум ёх пида яма рәпитты, иса мўвәт вантман яңхты ёх верәт Югра хуца яма ләщәтты.

Путәр хәншәс:
Пётр Молданов

Рәт ясаң щирн кәссәт

Ас потты тыләщ 1-мит хәтлән Ёмвош округевн колледжәтн вәнлтыйлты айлат ёх пәта рәт ясәт әхтыйн кәсупсы верәнтсы. Иса нял вәнлтыйлты тәхи эвәлт 28 эви-пух кәссәт. Щит Ёмвош, Сәрханл, Нуви сәңхум па Лаңки пос вошәтн вәнлтыйлты айлат хуятәт.

Ханты ясаңан – 19 хуят, вухаль ясаңан – 9 хуят хәншәт. Мет ар, щит 100 балл ёша павәтты рәхәс. Рәт ясаң хўват – 50 балл па рәт литература – 50.

Мосл лупты, хуты тәм ол па сыры олаңн верәнтум рәт ясәт әхтыйн кәсупсәт Ас-угорской институтн рәпитты ёх ләщәтләт.

Хәнты айлат хуятәт күтн олаң тәхия Егор Кабаков (Нуви сәңхум вош) питәс, лүв 95,5 арат балл ёша павтәс. Кимит тәхийн – Александра Каюкова (Нуви сәңхум вош) – 90 балл, хәлмит – Варвара Конева (Ёмвош), лүв 85 арат балл тайл.

Вухаль нявремәт күтн олаң тәхи Владислава Лаверина вўс, лүв 94,5 арат балл тайл, кимит

тәхийн – Сабрина Хозумова – 92,5, хәлмит тәхийн Алина Норова – 75 балл. Тәм вухаль эвет Ёмвошн технолог-педагогической колледжән худыева вәнлтыйлләт.

Хуйтат ләңхаләт ки, <http://iro86.ru/> сайт хуши «Мероприятия» – «Олимпиады» тәхийн вантты щир тайләт. Худыева кәсупсәң рәпата хәншум нявремәт электронной сертификатн кәтлуптәдыйт.

Ас-угорской институтн хәнты ясаң дерамтты не Виктория Сязи тәм вер олаңан лупәс:

» Ма нәмәслум, хуты тәм ол кәсупсәв яма мәнәс. Айлат ёх рәпатайдал пәта ар балл холумсәт. Тәм пўш мўң хәншты вер еша кеншәка версәв.

17 иньщәсупсы юкана 11 ут версүв. И задания давәртшәк вәс, щи ут пәта аршәк балл мәсүв. Шеңк ям, хуты нявремәт давәрт иньщәсупсы ищи версәл. 19 хуят эвәлт нивәл хуят 50 балл эвәлт аршәк ёша павәтсәт. Шеңк ям, айлат ёх рәт ясәлн ән юремәләл.

Ас-угорской институтн вухаль ясаң дерамтты не Мария Кумаева щиты путәртәс:

» Вухаль ясаңан яртъян хуят онлайн щирн хәншәт. Дыв рәпатайдал яма па тәса версәдал. Щит мўңева вән амәт тәл. Нявремәта па дыв вәнлтәты ёхлала вән пәмәщипа ясаң лупты ләңхалум.

Развития образования институтн рәпитты не Елена Акбаш вухаль ясаң

рәпатайт вантәс, лүв лупәс:

» Тәм пўш рәпатайт кеншәк вәсәт, щи пәта аршәк хуят щит тәса версәт. Ма нәмәслум, хуты онлайн щирн хәншты ищи ям. Итәх нявремәта мосәң әңкет-әщет нәтсәт, тәп щит атум әнтә. Щит мет ям, дыв ийха нявремәләл пида рәт ясаңа кўншемәләт.

Ма ищи жури щирн рәпитсум па лупты ләңхалум, хуты яна щи, тәм пўш рәпатайт кеншәк вәсәт, путәр ипўш хәншты мосәс. Аршәк айлат ёх иньщәсупсәт яма версәт. Елды ищиты тәмәщ кәсупсәтн ат кәсләт па рәт ясәлн давәлман па шавиман ат тайләл.

Путәр хәншәс:
Надежда Вах



Йис вӑлупсэв хурӑтн

Щимӑщ нем вӑнлтӑты хӑр тӑйс, мӑта ут Ас потты тылӑщ 6-мит хӑтлӑн Югра мӑв шӑкщӑты верӑт тӑты ӗх лӑщӑтсӑт. Щит йис вӑлупсы лерамтты учӑной не Татьяна Александровна Молданова па искусствоведе не Наталья Николаевна Фӑдорова тӑсӑн.

Т.А. Молданова йис вӑлупсэв хурӑт вӑты вер олаӑн пуртӑтс:

» Мет сыры йис вӑлупсы лерамтты ӗх хурӑт хӑншсӑт. Лыв яма уша версӑт, муй ширн хурӑт тӑса хӑншты мосл. Лӑмӑтсухӑт, пурмӑсӑт ар пелӑк эвӑлт хӑншты мосл. Учӑной ӗх пӑта йис вӑлупсы вӑты хурӑт щимӑщ вӑлӑлӑт: научной хур, хур вӑты пӑта немасыя ӗх нух долъты муй па омӑсты партты, художественной хур, ӑл ширн верум хур.

Йис вӑлупсы лерамтты ими лупӑс, катра пурайн учӑной ӗха хӑннехӑ венш, лӑмӑтсух ямсыева нух хӑншты мосӑс. Щи тумпи вантты мосӑс, лӑн хурамӑн хур ат тывӑс, вантӑ, еллы щитӑт арсыр журналӑтн муй киникайтн версийт.

» Вантаты, 1989-мит олн верум хур, щит финской йис вӑлупсы лерамтты учӑной хӑ Уно Тави Сирелиус верӑс. Щи пурайн лӑв хӑншты ясӑв лерамтты финской учӑной хӑ Куста Карьялайнен пила мӑн хущева юхтылӑс. Хурн хӑнтӑт альман вӑлӑт. Щит йис вӑлупсэв альты хур, вантӑ, хӑнтӑт лыв кӑртлӑн вӑлӑт. Щимӑщ хурӑт эвӑлт уша йил, муй ширн щи пурайн хӑнтӑт вӑсӑт.

1867-мит олн научной хурӑт вӑты вер олаӑн тӑса нух хӑншсы. Хӑннехӑ венш кӑтсыр пелӑк эвӑлт вӑты мосл. Щи пурайн хӑннехӑ пила ай хур версы, интӑм ма шеӑк вантты лӑнхалум, муйсӑр кӑр лӑмӑтсухӑтн



Кӑт пелӑк эвӑлт хур вӑты мосл

хӑнтӑт яӑхсӑт, – лупӑс хӑнты вӑлупсы лерамтты учӑной не.

Татьяна Александровна ястӑс, хути лӑв мет сыры ищи вевтам хурӑт верӑс:

» Вантаты, ма катра хурлам хуща хурамӑн сӑхӑн ими долъ, лӑв шӑншӑл юпийн тӑт юх пай, сохлӑт па па утӑт вӑлӑт. Щит вер хӑн? Ширн хур вӑты пурайн ямсыева вантты мосл, хӑннехӑ шӑншӑл пелӑкн муй вӑл. Кашӑн хурем илпийн ма нух хӑншсум, муйсӑр ими долъ, муйсӑр кӑрт эвӑлт па па утӑт. Щи тумпи атӑлт лӑмӑтсух хур вӑсум, атӑлт хӑншет. Кашӑн ими эвӑлт иньщӑссум, мӑта олн сӑх муй па лӑмӑтсух ӗнтман вӑс. Щит ищи йис вӑлупсы лерамтты пӑта мосты па вулаӑн вер.

Йис вӑлупсы лерамтты ими Александр Иванович Молданов ащел хурӑт вантмалн уша верӑс, муй-

сӑр ӗрнасӑт, щӑшкан сӑхӑт, вейт па па лӑмӑтсухӑт хӑнты имет 1957-мит олн тӑйсӑт.

Вӑнлтӑты хӑр вантум ӗх Т.А. Молдановайн верум хурӑн ай кина олаӑн пуртӑртсӑт па мосты верӑт олаӑн иньщӑссӑт. Итӑх хуятӑт иньщӑссӑт, хур вӑты пӑта муйсӑр елуп непека муй па щӑшкана пурмӑс пунты мосл, лӑн яма ат кӑлӑс. Лӑв юхлы лупӑс, хути щи пӑта мет ям – хупшат елуп.

Елды искусствоведе ими Н.Н. Фӑдорова лупӑс, лӑн верӑнтты ӗх Художественно-экспертной совета китум хурдал нуви муй хупшат непека муй па щӑшканӑн ат версӑт. Щи пурайн арталӑты ӗх щитӑт ямсыева нух вантты веритлӑт. Намӑт венш па шӑнш пелӑкӑн эвӑлт хур вӑты мосл.

Лӑв ясӑл ширн, тунты пурмӑсӑт хур вӑты пурайн



Йилн



Воньщупӑн



Тунты ан

нуви непека пунты мосл, вантӑ, щи пурайн тунты елуп тӑса кӑл. Турн муй па юх пӑнӑлн тунты пурмӑсӑт мет яма хурн тывлӑт.

Н.Н. Фӑдорова лупӑс, ешавӑл верӑнтты ӗхн китум хурӑт немасыя альбом непека вантты рӑхты пилт.

Юхи хӑшум артӑн вӑнлтӑты хӑр вантум ӗх вӑн пӑмашипа лупсӑт.

Пуртӑ хӑншӑс:
Людмила Шульгина

www.khanty-yasang.ru



Ас-угорской институт 30 ола йил

Там ол Ас потты тылашн 28-мит хатлан Ас-угорской институт тывум вўш эвалт 30 ол постаты пилт. Округевн па щимаш тахи антэм, хута ханты па вухаль яснат немасыя дерамтлыит па шавиман тайлыит.

Щи мәр щата рәпитум па тамхатл рәпитты ех шуши мир эвалт мулты арат йис вер, моньщ, ар, путәр ханшсат па акатсат. Лыв увас мир яснат па культура верат олаңан арсыр научной непекат лэщатсат. Ханшум па дерамтум рәпатайдал вәндтаты, культура па арсыр кәща тахетн мосман вәлдәт. Щи унтасн шуши мир вәлупсы тўнщираңа лэщатты пата сыр-сыр поступсәт ханшлыит па вўдыит.

Институтн рәпитты хуятат 30 ол мәр 400 мултас монография, фольклорной сборникат, учебно-методической непекат па па арсыр уат эсәлсәт.

Ләдн рәт яснев тәлаңа ат вәс, щит айтәдн вәндтаты мосл. Щи пата дыв нявремәта ищи сыр-сыр мосты верат па непекат верләт. 2013-мит ол вўш эвалт «Учёные – детям» вер тәты олңитсәт. Хута

лыв ханты, вухаль, юрн, рўщ па английской яснатн моньщәң киникайт эсәлдәт. 2015-мит ол вўш эвалт кашәң ол тәнлуп тылаш 21-мит хатлан рәт ясәңан диктант ханшты вер лэщәтләт. Ищи ол вўш эвалт увас мир литература щирн кәсупсәт верләт, щит «Литературные места Югры», «Голоса книги писателей Югры», «Югра литературная» па па мосты верат. 2018-мит ол вўш эвалт «Этнопротека» вер олңитсәт, хута увас мир



юнтупсәт акәтләт. Ищиты рәт ясәң, мўвев па йис верат олаңан ханшты кәсупсы тәләт.

Мўң ләңхалўв тата рәпитум па интам рәпитты хәннехуятата амтаң вўща ясәңәт китты. Елды рәт ясәңлўв, йис щирлўв лавалман тайты пата ищиты ар мосты вер ат лэщәтләт. Тәлаң еш, тәлаң кўр!

Путәр ханшәс:
Надежда Вах

Атум мәш па еха ән паватты пата рәхлы верат

Там пўш Ас потты тылаш 11-мит хатлан «Югра» айкеләт акәтты тахийн актәшум ех тамхәтл кашәң хәннехәя сащты верат олаңан путәртсәт, щит коронавирус атум мәш ән паватты верат.

Югра кәща ләңкәр хә А. Охлопков путәр олңитәс. Лўв ясәңәдн, щикўш мўң мўвевн атум мәш еша йира паватты питса, ищимурт худна мўң аршәк рәхлы верат тайлўв. Округ кәща ехлўв Роспотребнадзор хуятат пида йах пилтәщман рәпитләт. Муй щи ех лупләт, щи верат лэщәтләт. Елды лўв юкан щира рәпитты ех олаңан путәртәс, щит ай па кўтуп бизнес. Там атум мәш оләтн там еха вера лавәрт, щи пата лывела федеральной па региональной тахетн нәтупсы верат лэщәтман вәлдәт. Ас потты тылаш эвалт вән кер тылаш вән-та, мата рәпата мәты ех рәпитты хуятлаң йира ән вошитләт, щи тахет тылаш вух сухуптаты пата нәтдыит.

Там мәш оләтн кимәт

лавәрта вәлты ех, щит мир ймәлтәты хуятәт, щит вўрты зоная альщәты тахийн па «скорая помощь» хуща рәпитты тохтурәт па ай тохтурәт. Лыв хуты вера ар рәпитләт, вера тәюмләт, щи пата иса верат пела кәтлы йиләт. Там ех пата «Мы вместе» акция вәл, щата тохтурәт пида рәпитләт, лывела амтупсы верләт.

Елды па губернатор ләңкәр хә вакцинация олаңан путәртәс, Югра ех хулыева тамәщ вер верты вохсәлдә, путәртәс па хон мўвәт олаңан, муй тахетн 90% ех щимәщ вер версәт ин па ўңәл сухәт такды йәңхләт.

Щәлта округ полиция кәща ләңкәр хә Ф. Красников ясәң вўс. Лўв путәртәс, муй вўрн полиция ех мир вантман тайләл. Муй вўрн атум мәш елды

ән паватты пата рәхлы верат лавләсман тайләт. Полицияйн рәпитты ар хәннехә там оләтн патруль щира йәңхләт. Кашәң хәтл 100-кем хәннехә кәтәлдәт, мата ех ўңәл сух ән тайләт па 20-кем хуят QR код такды сыр-сыр тахета йәңхләт. Лыв ювра вер ки вәйтләт, щи ех 1-5 щурәс вухн пунләт, кәща ех ки мулты ювра вер верләт, щит 2 миллион вух сухуптәләт. Щи кўтн лўв лупәс, ин щи ювра верат шимла йиты питсәт.

Щәлта ясәң вўс М. Соловьёва, лўв вантты щирәлн там олн шимәлшәк хуят ўңәл сух тайты питсәт, шимәлшәк ех немасыя еш лүхәтты питсәт. Щи мир таңха нәмәсләт: «Там ма вәлупсәм, там ма тәлаңа вәлты верем, муй вўрн ләңхалум, щиты вәллум». Щит хуты ювра нумәс, лыв

мәша йиләт ки, па еха мәш паватты питләт.

Рәпата мәты хотәтн па щата санитарной требованияит вәлдәт, щи верат тўңа верты мосл. Дезинфекция ән ки верләт, щи пата вух сухуптәты питләт. Кашәң кәща рәпитты мирл пида ат путәртәл, аршәк хуят ки вакцина верл, щирн шимл хуят мәша йил, рәпатая йәңхты питл.

М. Соловьёва лупәс:

» И лота ермәлтәты вер, щит хуты лавәрт вер. Мўң тохтурлўв шалитты пата, рәпата мәты ехлўв вухәт рәпитты пата, хәннехуятата прививка верты мосл, араң пеләк мўвәтн щи вер верса.

Путәр ханшәс:
Пётр Айев



Хэнтэт йисн шимэщ сэх тайсэт



Касум вошэң мир Т.А. Молданова хэлэнтлэт

Пўнэң сүхэт ёнтты верэт олаңан

«Ильбигорская» хэнтэ ёх община па «Касум ёх» немуп тэхи тэм ол «Пунэң сүхлүв хошум рүв» Югра кэша не нётупсы вух ёша павэйтсэт. Ол мэр нух питум ёх Касум вошн Нуви сэңхум район хуца пўнэң сүхэт ёнтты пата яха актэщийлты питлэт.

Тэм вер Ас потты тылэщн 3-мит хэтлэн вэс. Ши путэртум тэхийн карты шүңкэт мухты исторической наукайт кандидат, Ёмвош округ йис пурмэсэт ванты художественно-экспертной советн вэлты хэнехэ Т.А. Молданова ясаң тайс. Лүв путрэл немл «Йис ёхлүв пўнэң сүхэт ёнтты па хурамтаты верэт». Тэм лекция мултаса ши хэтлэн Касум вош хуца ванлтусы верэнтыйлсы. Щата ёха Касум мўвн актум пўнэң сүхэт ванлтэсыйт, щит сэхэт, юрн хирэт, ёнтэсты хирэт.

Ши мирхот тэс ёшуп, ёнтэсты касум имет пата верэнтса па мата хэнехэ кашэл вэс, ищи хэлэнтсэт. Кашэн ёх күтн па хон пелак хуятят Франци па Германия эвэлт вэсэт.

Татьяна Александровна путрэл наука верты ёх хэншум непекэт олаңан олңитэс. Лүв щирэлн тэм ёнтэсты имета Н.В. Лукина, Н.Г. Федорова, А.А. Богордаева, Т.А. Молданова, А.М. Сязи хэншум

киникайт мет нётлэт.

Щэлта па лүв путэртэс, мэтты хэнтэ па вухаль мир йис верэт кэтсыр тэхи эвэлт тывсэт. И тэхи – щит хэр мўвн яңхты ёх угорской верэт, кимэт тэхи – щит вэнт мўвн вэлты палеоазиатской ёх верэт. Мата хэнтэ вэлупсы тэхи ан каралэлэн, иса тэхийн тэм кэт вер кэл, щит муй эвэлт лэмэтлэты сүх ёнтты, муй вўрн ши сүхэт ваньщэсты па арсыр тэхетн.

» Ваньщэсты тэхи ки вўлэв, угорской вер щит сыр-сыр щэшкан эвэлт верты лэмэтлэты сүхэт ваньщэсты тэхетн хэщэс, ёрнасэт, щэшкан сэхэт йисн щиты ваньщэссайт, лэлн немэлт мултас сүхие йира ант эвэтты. Пўнэң сэхев ищи щэшкан сэх хурасупа ваньщэсла. Кимэт палеоазиатской верев яма кэл, хэн ваньщэстын ар пўлыет эвэлт пурмэс ёнтла, хэн имет шүкцэлэт. Угорской ваньщуптэты вер щиты мэнтэ питэс, хуты хўв йисн, щирн ёхлүв

пелэң эвэлт сүхэт версэт. Ши пата кашэң сүх пўлые шалитман тайса. Кимэт верев – щит хуты ищи йис вер, йисн васы сүхэт, ай войет сүхэт яха ёнтсайт. Ши тывум сүх эвэлт па лэмэтлэты сүх ёнтсэт, – лупэс Т.А. Молданова.

Щэлта лүв ванлтэс, муй тэхийн мет йис хэнтэ ёх вэсэт, щит морты мўв хэнтэт, увэс хэнтэт па Сэрханл мўв хэнтэт.

Ши юпийн путэртэс сэхэт, пўнэң вейт, ёнтэсты хирэт олаңан, муй вўрн ши пурмэс ёнтты па муй вўрн хурамтаты.

Лүв ясэңлн, тэм олэтен пурмэслүв па щира тайты питсайт. Йисн хэнтэ пурмэсэт таклы вэлты пицэнтэм вэс. Пурмэс хотн тайса, лэңха пунойлса, па па вер щира вэсэт. Тэм йисн хэнтэ пурмэсэт арэл, пелак хурам пата верлайт муй па рўщ ёха тыныты пата. Тэмхэтл вэлупсийн тэп пўнэң вейт мослэт, ши таклы тэл тэрүмн вэнта мэнтэ пицэнтэ.

Татьяна Александровна мет хўв мэр ай хириет олаңан путэртэс, муй тэхийн имет сопас ёнтэсты лүйт, шулэт шавиман тайсэт. Лүв щирэлн па вана тайты мосл акань пата ёнтум ёнтэсты хириет, юрн хириет, щэлтаса эвет ши вэналлэт еллы ёнтэсты.

Тэса ёнтэсты имет пела лүв лупэс, яма вантты, муй вўрн ёнтэсты хирэт ваньщэслайт, муй вўрн па муйсэр хэншийн ёнтлайт:


» Хэн нын йис хэнши ёнтты питлэты, яма вантаты, лыпи хурэл йис щира ат тывэл, нувэт па кашэң ими лүв щирэла ат верлэлэ. Щирн тэп ши хэнши нын юкан хэнши щира йил. Вантаты вояң хурэт пела, ан рэхл и хурасупа верты.

Тэм лекция юпийн ёнтэсты имет иньщэсты ясаң тайсэт па лыв пўнэң сүх ёнтэсты верлэл олаңан хўв мэр путэртэсэт.

Путэр хэншэс:
Пётр Молданов



Хурат ханшты хуят В.А. Игошев 100 ола дэлн йис



^ В.А. Игошев



^ Мирхот пурайн

Васы манты тыдәщ сүхнум елпийн «Торум Маа» йис пурмәсәт әкәттү па шавиман тәйтү хотн «Иса тәхетн вәлүпсы» немпи хурәң ванлтупсы пүншсы. Тәм вер олюпн хурәт хәншты ики В.А. Игошев 100 ола сема питум хәтл вүш эвәлт постәты щира ләщәтсы.

Владимир Александрович Игошев – Россия мўв луваттйин олюпн хурәт хәншты народной хуят немн катлуптәсы. Лўв хәншум хуралдн мўң увәс мўвиев хурасәт вәлдәт: вәнтәт, юханәт, юхәт, вәнт войт, вўдәт па па угәт.

Щәлдта округев вән па ай кәртует, вәнт тәхет, шуши ёх, вой ведты па хўд велпәсләты, вўды лавәлдты мир па иса шуши мир йис вәлүпсы, йис вердал па пурмәсләл пида шиваләты рәхл. Щи ольпәң хурәт пәда вантман имухты уша йил, тәм хәннәхә мўң шуши мирлўв, мўвев, йиңкев, юханлўв, дорлўв, войлўв-хўдлўв иса мосман тәйсәлэ.

Владимир Александрович 1921-мит ол васы манты тыдәщ 28-мит хәтәлдн Башкортостан мўвн Аскино кәрт пўңәлдн омәсты Игошевской рәт ёх вўт кәртән сема питәс. 1940-мит одн Уфимс-

кой театрално-художественной училища етшуптәслэ. Щәлдта Вудәң Отечественной дәлү олңитум пурайн дәлүстү мәнәс. 1940-1943-мит оләтн Владимир Игошев Северо-Западной, Донской па Сталинградской дәлү хәрәтн тарма дәлүсәс. 1942-митн вера мәшмәлсы, тәлән ол мәр военной пәльницәйин ймәлтыләс. Шәк пура юпийн В.А. Игошев ар пә-

ләк хурәт вудәң дәлү оләңән хәншәс.

1950-мит ол, вўш эвәлт хур хәншты хә Ёмвошәң округева юхтәс. Мултыкем Сўмәтвош район Саранпауль па Няксимволь кәртәңәнән вәс. Тәм мўвиелўв сәмәла мет хойс. Щи вәлтү-холты пура оләңән «Вўт кәртые», «Рўтыщәты хәтләт», «Пирәщ вухаль имие», «Няҳәң-юнтәң эвие», «Ёмәңхәтәлдн»



^ В.А. Игошев хәншум хур

немпи хурәт хўват уша верты рәхл.

1950-1990-мит оләтн хурәт хәншты хә па хон пеләк мўвәта: Корея, Китай, Египет, Сирия, Ливан, Монголия, Индия, Пакистан, Вьетнам, Голландия, Бельгия, Германия, Франция хуща йәңхәс. Щи юпийн «Па хон пеләк мўвәтн» немпи вән хурәң ванлтупсы мира алдысы.

2007-мит ол Ас хәлтү тыдәщ 8-мит хәтәлдн Владимир Александрович Игошев Москва хон вошн хўв пәнта мәнәс.

«Иса тәхетн вәлүпсы» немпи хурәң ванлтупсы пүншум пурайн «Торум Маа» кәщә не Людмила Алфёрова щиты лупәс:

» Олюпн хурәт хәншты вудәң хуятәт пида мўң дәхсәңа вәллўв. Ийха ванлтупсәт ләщәттү веритлўв, щи күтн мўң вудәң рәпатаев ищи ән юремәдәв. Йистелдн мўң хурамәң тәщәң мўвиевн йм арат әмәщ па нумсәң, рәпата, йис верәт пәда сәмәң мир вәсәт па интәм вәлдәт. Мўң немәсыя тәмәщ хот йитн хурәң ванлтупсы ләщәтсўв. Муй щирн лўв Югра мўвевн вәс, хутыса рәпитәс па хурәт хәншәс – иса тәса па әмщә ләщәтман вәд. Тыв луңдәң, имухты нумәсн юхәтлўйин: «Яна па щи мурт әмәщ хот йит! Хурәт пәда вантлән, щи луват вәнты Владимир Игошев увәс мўвев, шуши мирев, мўвев-йиңкев, войт-хўдәт па иса кашәң утые сәмәлдн тәйсәлэ. Щи пәта тәмхәтл вәра вән па мосты ёмәңхәтл – олюпн хурәт хәншты ики Владимир Александрович Игошев шәңәт 100 ола сема питум хәтл постәлўв.

Путәр хәншәс:
Ирина Самсонова

Щиты Любовь Владимировна Хатанзеева олаңан лупты рәхл. Лүв Ёмвошн вәл па тәм ванән рүтьщаты мәнмал пурайн округтворчества хота шүкщаты верәта вәндтылты пәта Мария Григорьевна Эккертән (Молдановайн) ләщәтум тәхия яңхты питәс.

Велщи шүкщаты вера керләс

Ма тәм ими пида вәйтантийлсум па вәлупсәл олаңан иньщәссем. Лүв щиты путрәл олңитсәлэ:

» *Ма – Ас вухаль мир эвәлт, эви опрашнемем Шадрина вәс. Васы мәнты тыләщ 12-мит хәтлән 1959-мит олн Манстәр район Нүм Нярьех кәртән сема питсум. Ащем ән нәмлем. Аңқаңкем хәлүм няврәм тәйс: Ульяна Матвеевна ма аңкем, Елена па Иван. Ма аңқаңкем, аңкем па ныюм пида енумсум. Юлн күтәвн рүщ ширн путәртсүв, тәп мойңа юхтум ех эвәлт вухаль ясаң хәләнтсум. Щи пурайн Нүм Нярьех кәртәң мир күтәдн рәт ширн путәртсәт, вухаль мир ләмәтсүхәтн яңхсәт.*

Мүң кәртәвн хәлмит класс вәнты ашкола, хәтл мәр мет ай няврәмәт ванман тайты ясли-хот, лапка, күлуп, мис-лов тайты хот вәсәт. Елена ныюм мис пәсты неңа рәпитәс. Кәртәвн хәскем хотпел, ех вәс. Ма худна нәмлем, хуты Яркинәт йилуп хотәт, күлуп, ясли хотәң омәссәт.

Люба эвие 11 ол луваттыйн аңки такды хәщәс. Елена ныялн лүв шәкащты няврәмәт тайты хота мәты вүтщийлсы, тәп Иван вәртәл лупәс: «Апәлнеңиём ма хотемн вәлты питл!» Елена ныйл әнтәма ювум юпийн Люба эвие аңқаңкел пида хәщәс. Вән классәтн вәндтылты лүв Ным Нярьех кәрта тәсы, щәта интернатн вәс. Әхәт Иван вәртәлн Кевавәт

кәрта тәсы. Тәта Люба елды вәндтыләс, ашкола етшуптәс.

Елды айлат Любовь Тәпәл воша мәнәс. Лүв әнтәсты вера вәндтылты ләңхас, тәп ши тәхия ар хуят вүсы, ширн лүв кәт ол хот нерты вера вәндтыләс. 1981-мит олн непекәң айлат не Ёмвоша вәлты па рәпитты юхтәс. Тәта арсыр епләң хүдәң летутәт верты тәхийн рәпитәс. Щит ләп тәхрум юпийн Любовь Владимировна вошәң хотәта хошум мәты тәхийн хотхәры люхәтты неңа вәс. 50 ода ювум пурайн рүтьщаты пурайл юхтәс, тәп худна рәпитәс.

Хоттәл, ехләл олаңан щиты лупәс:

» 1986-мит олн Николай Алексеевич Хатанзеев икем пида вәйтантийлсум, лүв Няксимволь кәрт эвәлт, и пеләк – сәран, и пеләк – юрн хуят. Лүв Ёмвошн хотәт омсәс. Хәлүм няврәм – Елена, Александр, Константин – енмәлсумн. Мин ийха хәлүмьяң ол вәсумн. Нял ол юхды икем әнтәма йис. Елена эвем икеңа йис, хәлүм няврәм тәйл, ма енмәлты нәтлүм. Александр пухем имеңа йис, тәп худна няврәм ән тәйл. Константин ай пухем 31 ода йис, ими ән тәйл.

Любовь Владимировна айтәдн вантәс, муй ширн аңқаңкел, аңкел, ныйл амл, ош пүнәң сух эвәлт хурамәң хәншәң вейт тыйсәт, шәщқан сәхәт, әр-насәт ентсәт. Лүв па вәлупсәл мәр немәлт пурайн ән тыйс па ән ентәсәс.



Л.В. Хатанзеева. Л. Гурьева верум хур

Щиты путәртәл:

» *Ёмвошн Надежда Пшеничникова вәл, лүв ищи Нүм Нярьех кәрт эвәлт. Ипүш лүв мәнәма лупәс, хуты округ творчества хотн хәнты ими Мария Григорьевна Эккерт шүкщаты верәта вәндтәты хәр ләщәтәс. Лүв мәнәм шив вохты питсәлэ. Тәнял ямәлтылты щира водолечебница яңхсум, юхды шәшлүм, ма ещәлтема Мария Григорьевна йил. Лүв мәнәм вохсәлэ: «Люба, ма шүкщаты хәрема юхта!»*

Щиты Ас вухаль имие шив яңхты питәс. Мет сыры аканят, щәлта ай эви па ими пәта хурамәң әр-насаң ентәс. Интәм лүв хәншәң вейт тыйты хошл, щиты путәртәл:

» *Мет сыры лавәрт вәс. Вантә, ма немүлт пурайн хәншәт пида вейт ән тыйсум. Мет сыры хәншет*

непека тәса нух хәншлүм, щәлта шив вантман айлтыева ши тыйлүм. Олаң вейңәлам нял тыләщ мәр сәвсәлам. Ин кеншәка йис, интәм кәт лапәт мәр и вей тыйлүм. Нумәс тәйлүм, елды мойлупсы юкана рәтләм па пиднеңләм пәта сәвум вейт тыйты питлүм. Ма щиремн, ешн верум утәт – щит мет ям мойлупсәт.

Ин Любовь Владимировна Хатанзеевайн ентүм, тыюм ләмәтсүхләл ванлупсыйн шиваләты рәхл. Тәмхәтл лүв М.Г. Эккерта лупл:

» *Мария Григорьевна – ям вәндтәты ими, ямсыева тәса путәртәл, муй ширн тәм муй тум вер верты мосл. Лүв унтасәлн ма рәт мирем шүкщаты вера керләсум. Лүвәда вән пәмащипа луплүм.*

Путәр хәншәс:
Людмила Гурьева



Няврёмѧт лекщитман вѧл

Нуви сѧңхум район Касум вош пѧльницѧйн няврёмѧт лекщитты леккар неѧа Варвара Алексеевна Пяк рѧпитл. Тѧм олн Касум воша ѧңхмемн лўв пиѧда путѧртсум.

Варвара Алексеевна хѧнты хоттел ѧх хущи сема питѧс. Ѣңкел-ащел – Татьяна Михайловна (ѧви опрѧщ немл Волдина) па Алексей Тихонович Хаймазовѧн – Манстѧр район Моим кѧртѧн вѧтаѧа ѧйсѧѧн. Олѧѧлн щѧта вѧсѧѧн па Касум воша вѧлты касѧлсѧѧн. Варвара Пяк щиты ѧңкел-ащел па хотѧѧ ѧхлѧл олѧѧн путѧртѧс:



Варвара Алексеевна няврёмлѧл па хилѧл пиѧда

» Ѣңкел-ащел кашѧѧ ол лўѧ мѧра Аса хўл велпѧслѧты ѧңхийлсѧѧн. Мўн, няврёмлѧл, ищи лын пиѧдана Аса ѧңхийлсўв. Сўса ѧитыйн юхи тѧтьлясыюв. Семьяевн хѧт няврём вѧс. Ма метѧй ѧвия вѧсум. Ѣңкел няврёмѧт хѧтл мѧр тѧйты хотн рѧпитѧс. Ащев совхозн вой па хўл велпѧслуман вѧс. Мария Алексеевна Беломоина упем Касум вошн пѧльницѧйн рѧпитѧс. Кимит упем Светлана Алексеевна Инырева вѧс, ѧнтѧма ѧис. Валентина

Алексеевна Еловицова упем интѧм Нуви сѧңхум вошн вѧл. Владимир Алексеевич Хаймазов ѧюм Сорум вошн вѧл па рѧпитл. Михаил Хаймазов ѧюм Касум вошн вѧл.

Варвара Алексеевна Касум вошн ѧшколайн вѧндтылѧс, щѧ юпийн Ёмвоша мѧнѧс. Щѧта медучилище етшуптѧс, тохтура ѧис па Нуви

сѧңхум район Тѧрумлѧр воша пѧльницѧя рѧпитты китсы.

» Ма Тѧрумлѧр вошн хѧт ол мѧр рѧпитсум, щѧв 1989-мит олн юхѧтсум. Щѧта икия мѧнсум, щѧт Владимир Владимирович Пяк. Хѧлум няврём енмѧлсумн. Няврёмлѧма ѧшколая мѧнты мосѧс, щѧирн ма Касум воша касѧлсум. Икем пиѧда кѧтна мѧнсумн. Ин няврёмлѧм вѧна, имеѧа-икеѧа ѧисѧт, рѧпитлѧт. Анастѧсия Бунакова ѧвем Нуви сѧңхум вошн пѧльницѧйн рѧпитл, икел пиѧда нѧл пух енмѧллѧѧн. Павел Пяк пухем ищи Нуви сѧңхум вошн вѧл, «Нуви ат» немпи ѧис пурмѧсѧт шавиты тѧхийн рѧпитл, кѧт няврём тѧйл. Артѧм Пяк пухем Лянтѧр вошн хотѧѧ ѧхлѧл пиѧда вѧл па рѧпитл, – путѧртѧс В.А. Пяк.

Касум воша юхѧтмѧлн Варвара Алексеевна олѧѧлн ѧшколайн хѧлум ол мѧр няврёмѧт лекщитман рѧпитѧс. Щѧлѧта 2003-



В.А. Пяк

мит ол вўш ѧвѧлт па ин вѧнты пѧльницѧйн рѧпитл, олѧѧлн лекщитты неѧа вѧс, интѧм ѧй няврёмѧт тохтура вѧл. Рѧпѧтайл, олѧѧн лўв лупѧс:

» Сўсн, тѧлн муѧ товийн, хѧн ар хуѧт кѧшитты олѧѧитлѧт, ма хущема хѧтл мѧр 30-кем няврём юхѧтыйл. Па хѧтлѧтн 10-15 няврём тыв ѧңкетн-ащетн тѧтьлядыѧт. Няврёмѧта мосты прививкаѧт лоньщѧтѧлўв. Щѧ тумпи тѧм ванѧн сема питум пушхиет юлн вантман тѧйлум, дыв хущѧла ѧңхийлдум.

Мосл лупты, Варвара Алексеевна ѧңкел иты хѧнты лѧмѧтсух ѧнтѧсты вер сѧмѧѧа тѧйл, лўв ѧрнѧсѧт, вейт, нѧй сѧхѧт па па пурмѧсѧт ѧнтѧл, сѧк кѧрѧтл. Хилылѧл иса хурамѧѧ хѧнты лѧмѧтсух тѧйлѧт.

Лўв няврёмлѧла хилѧт енмѧлты нѧтл, рўтьщѧты пурайн иса дыв хущѧла Нуви сѧңхум воша ѧңхѧл, па няврёмѧт пиѧда юлн омѧсл, дыв пиѧлѧда юнтѧл, щѧиты дывты енмѧлты нѧтл.

Путѧр хѧншѧс:
Надежда Рагимова



В.А. Пяк хилнеѧѧл пиѧда



Вўт кэртэлдн вой па хўл велпáслуман вэлдáт

Тáм ванáн «Хутáң хурас» ёмáң поры верты пáта мўң Востыхой кэрта яңхсўв. Щáта ма «Востыхой» община кэща хэ Иван Сергеевич Слинкин пида путáртсум. Лўв мет сыры щи тáхел олаңáн ай тэс:

► Востыхой – щит мўң Слинкин рэт вўт кэртэв. Мосл лупты, йистелдн тáта опращлўв шушмáщсáт, хўл, вой, тухлáң войт велсáт, щи тумпи арсыр воньщумутáт, тулхáт, нохрáт áкáтсáт. Советской лащ пурáйн щитáт немасыя тáхия мийлясыйт.

1991-мит олдн Сергей Фёдорович Слинкин ащем тáм тáхийн крестьянско-фермерской тáхел пўншсáлэ. Тáта мисáт, довáт, ошáт тáйсўв.

Рэтдам пида хўвн нэ-мáссўв, мосáң, опращев вер, щит хўл па вой велпáслáты верáт елды тэты, щирн 2008-мит олдн «Востыхой» нэ-мпи общинаев пўншсэв. Мўң хущева Галина Григорьевна (эви опращнемл Тыманова вэс) áңкем, Сергей Фёдорович Слинкин ащем, Юрий вэртем, Александр яём луңман вэлдáт, ма кэщая йисум.

Общинаенáн нын муй мет сыры версáты?

► Мет сыры уша версўв, муйсáр хўл велпáслáты тáхет мўң тáйлўв, щитáт ямсыева нэпека нух хánшсáлўв. Щáлта арсыр эхлáт, холáт, моторáт, холпáт па па мосты утáт лэтсўв. Востыхой кэртэвн йилуп хотáт омáссўв.

Мосл ястáты, хуы щи тумпи мўң Ягурьях кэртáн

ищимáщ тáхи тáйлўв, щáта хўл, нюхи потáлтáты вэн хушáпáт тáйлўв, елды щитáт па вошáта тэллўв. Щи тумпи мўң хущева па вошáт эвáлт хўлáт, нюхет, воньщумутáт, тулхáт, нохáр семáт лэтты ёх юхтыйлдáт.

Тáм ол ар хўл велсáты?

► Áнтэ, тáм лўңáн йиңк сора ая йис, щирн шимл хўл велсўв. Тэп тáм лўңáн ар нохáр сем лэщáтсўв, Омск, Томск вошáн эвáлт щитáт лэтты ёх юхтыйлсáт.

Щи тумпи тáм олдн кў-рáң вой павáтты пáта велщи рáхты нэпек ёша холумсум, лапáт ол лавáлсум. Мосл ястáты, 2017-мит олдн вэнты ащем кўрáң вой, мойпáр, нюхáс, кўщар венш, арсыр тухлáң войт велты пáта рáхты нэпекáт ёша холумтылáс, щáлта мўң щитáт лў-ңáтсáлўв па нэпека хánшсáлўв, муй арат вой велсўв, щи нэпекáт хўл па вой велпáслáты верáт вантман тáйты округ тáхия китсáлўв.

Муйсáр нўшáйт тáйлáты?

► Мўң Востыхой кэртэва юхáтты пáта мет сыры кев эш хўват (Ёмвош – Нях вош) машинáйн 98 верста мáнты мосл, щáлта кўрн хэлумкем верста шэшты, щит шеңк лавáрт. Щи пáта ям кев эш тáлты мосл. Щи тумпи тáм пура вэнты нуви тўт áн тáйлўв, щи



▲ И.С. Слинкин Н.К. Партанов пида путáртáл. Л. Гурьева верум хур

пáта немасыя дизельной станция лэтсўв.

Мойң ёх тыв юхтыйлдáт?

► Па муй. Сўсн, товийн Тюмень, Нижний Тагил, Екатеринбург, Пермь вошáт эвáлт икет хўл па вой велпáслáты юхтыйлдáт. Лыв луплáт: «Вэн вошáтн лавáрт вэлты, тáта ай кэртáн ям арат хáтлáт вэлты, хўл па вой велты шеңк эмáщ».

Нáң семьяен олаңáн еша путáрта.

► Сергей Фёдорович Слинкин ащем – рўщ ики, лыв Слинкин рэтэл хўвн тыв, Увáс мўвева, вэлты юхáтсáт па Востыхой кэртáн шушмáщсáт. Галина Григорьевна (эви опращнемл Тыманова) áңкем – хáнты ими, лўв Манстáр район Ным Ня-рёх, Муликáрт эвáлт. Лўв ар олдн нявремáт вэндáтáс, ин рўтьшуман вэл.

Ма нивл олдн Ёмвошáң «Ёлочка» нэмпии хáтл

мáр нявремáт тáйты хотн рэпитлум, эвет-пухáт эрáңа-щомáңа йиты вэндáлум. Ма ин вошáң нявремáт пелы вантлум па уша верлум, лыв тэх щосн тэп компьютерной юнтупсэтн юнтлáт. Лыв áңкет-ащет пида вэнта áн яңхлáт, хўл áн велпáслáлáт. Щит вер хэн? Мосáң, хэнтý ма лывел тыв, Востыхой кэртема, мойңа тэлдам. Ат вантлáт, муй щирн кэртáн ямá вэлты, вэнтáн воньщумут, тулáх, нохáр áкáтты, юхáнáн хўл велты рáхл.

Щи тумпи ма «Югра лыднуптáты» нэмпии шуши мир тáхийн кэща лáңкáр хэя вэллум, щирн хáнты, вухáль па юрн мир верáт елды тэлум.

Ма худна ими áн тáйлум. Имеңа, нявремáңа йилум ки, айтелдн нявремдам тыв, Востыхой кэрта, тэтьляты питлáдам, лáлдн лыв вэнт вэлупсы олаңáн уша ат версáт.

И.С. Слинкин пида путáртáс:
Людмила Лонгортова



Ухшам – щит мет мосты лэматты сук ханты неңат пата. Лүв иса йис пурайт вүш эвәлт па ин тәмхәтл вәнты елды вәл. Яма нәмлем, хуты аңқаңкем ащем муй па веңдал эвәлт щимәщ ухшамл унтасн кашаң вәйтантупсы кемн ёмәлман вәлупсәл хүватн вәс. Тәм йисэвн щимәщ вер, вантэ, айн-айн тәлаңтелн хуятәтн иса юремәты питса. Ханты мир щирәт, вәлты-холты хурасәт па мүй рәт ясцев тәмхәтл, вүшәт эвәлт па елды ищиты айлтыева юхи хәщл.

Муй пата ханты неңат ухшамәт тәйләт

Щи пата тәмхәтл ма ханты не ухшам тәйты верәт олаңан немасыя ши айкед ханшты вүтьщәлум. Сүмәтвошн вәлты культурология кандидат нем тәйты па фольклорной архив тәхи кәща не Любовь Кашлатова иса тәмиты ханты не ухшамәт тәйты вер олаңан хәншәл:

» Тәм юхи хәщум олаңн арсыр ухшам вәл. Итәх щимәщ ләмәтсукхәт лап-кайн ләтты рәхл, кимит уга́т юлн ёнтлүйт. Щи тумпийн кашаң хәтл ма́р нух лә-мәтлҗты па ёмәңхәтлҗтн тәйты ухшамәт ләщәтлүйт. Щәлтә арсыр поры верты пурайн ищи немасыя ши пата ёнтум ёмәң ухшам кашаң ими ләмәтл.

Ухшам щит щимәщ пос мүйева ванлтәйты веритл, хуты тәм муй тум не хуятәңа йис. Вантэ, вәртәщты пурайн хә немасыя лүв тәты неңәла вән русең ухшам вухәла па пунәлтәл. Щи мойлум сукхәл унтасн елды пелы мень не акидал эвәлт кашаң пүш ёмәлты веритл.

Хән вәнашәк ювум хә ёх хот лыпия луңләт, мень неңат дыв эвәлтәла щимәщ хурамәң русең ухшамләдн ёмәлты ши пиньшәләт. Щи пата хә хуятәт па күй кепа дыв пиләла сыр-сыр верәт олаңан путәртсәт па тәп путрәт верты пураелдн ши неңдал омәсты муй вәлты тәхидал пелы иса ән па вантсәт.

Ищиты вең хәйдал пила ийха вәйтантуйлты кемн вәнтупа вәлты имет ищи күйрумн ёмәлты питлҗт. Вантэ, ханты щирн, вең хәел вәнтпәл ими венш хурасл и пүша ямсыева вантты ән па веритл. Щимәщ вер унтасн вең икет вәнтупал пида тәп әл щиты хүв тәхийн вәлман путремәты щир тәйләт. Ёмәлты – щит, вантэ, «ёмәң вер». Щи пата хәнтәт кашаң ши хурасуп вер ёмәңа лүйәтсәт па вәлупсәл хүватн түйңширәңа версәт.

Итәх пурайн хотәң мень тәты вер пата аңкеңән-ащәңән немасыя вәна ювум пухән тәмиты ши китумтак иньщәссәңән: «Нәң па хән, айе, мүй, вәлты хотэва ухшамәң ут тәты веритлән?» Ухшамәң утән – щит, вантэ, вән русең ухшам пунәлтум мень не. Имудтыйн па дын пухән мень юхи ванлтум пураелдн, мет олаңан немудты вер мень неңәла верты иса ән па есәлләт. Әхәтшәк дыв хотәла луңум мень не велши сыр-сыр ёш рәпатайт верты пиньшәл. Щимәщ верәт пата хәнтәт лупсәт:

» Нәң муй, йилуп мень не, әл щиты ёшәлән ийха пунмантәлаң хәтлҗе омәсты?

Мосл тәмиты елды путәртты, хуты ухшамәт унтасн сыр-сыр пориләты верәт хәнтәт йис пурайт эвәлт ямсыева ләщәтсәт.

Пүпи якты хотәт верты пурайн ханты неңат ищи



» Сүмәтвош район верәнтты неңат ёнтум ухшамләл пила

луңәлтуп арәт муй па як хурасәт верты щир тәйләт. Тәп ариты муй якты кемн дыв тәлаңтелн вән ухшамн дывел, ләп пунләл, ләлн луңәлтум пүйин әл мутшәсийт.

Ай тәхет потты тыләщн 15-мит хәтл вүш эвәлт па иса 17-мит хәтл вүш вәнты Сүмәтвошәң шуши мирәт верәнтты хотн «Хошум хот» тәхи вәс, хута ханты па вухәль мирәңән ухшамәт неңат ёнтсәт. Щимәщ вулаң вер Зоя Захаровна Сидорова щив юхтылум вошәң неңәта ванлтәс. Кашаң ухшам мет олаңан хурамәң щәшкан эвәлт дыв тәса ваньщәссәт. Әхәт иса ёшн ай па тәс юлн ёнтәсты пиньшәсәт. Лидия Артанзеева, Любовь Артанзеева па Зоя Сидорова ямсыева арталәсәт, муй щирн Сүмәтвош неңиет айлтыева не ухшамәт ёнттыя вәндтуйлләт, муй араткем нумәс дыв щимәщ йилуп

ёнтәсты щирәта мәләт. Щи ухшам ямсыева ёнтмел юпийн русыйн щит верты пиньшәсәт. Имудтыйн верәнтты неңат дыв рәпатайдал ши сукхнуптәсәл па ухшамләл етшуптәсәл.

Мет хәщум күтн Зоя Сидорова верәнтты неңәта тәмиты ши лупәс:

» Ма айтәлн ән па вантуйлдсум, муй щирн аңкем ими ханты ухшамәт ёнтәс, вантэ, Поднавәт әшколайн вәсум па вәндтуйлдсум. Щи пата иса арсыр мастер-классәт мәнум пурайн арталәсум муй уша версум, хутыса ши ханты па вухәль мирәңән ләмәтты сукхәт ёнтлүйт. Ин тәмхәтл русеңәң ухшам ёнтты неңат вәндтәсум. Ма щиремн, ин ухшамләл яма тывсәт.

Любовь Вынгилева
хәншум путәр
ханты ясәңа тулмащтәс:
Владимир Енов



Лыпāt хойты тылāщ 24-мит хātāлн Новоюгино кертāн Каргасокской районāн Томской область мўвн вәсум. Шци керт Васюган юхан пўңāлн омāсл. Мосл лупты, хуты хātл етты пелāкн вэлты хāнтэт ясāң ширātн «Вес ёган» рўщ ясāңа ки керātты, щит «коричневая река». Вантэ, щив арсыр кал лотāt эвāлт йиңкāt ийха юхана увлāt.

Муртāң ясāят вāйтлум, тәп путāртты āн хошлум

Катра пурайт вўш эвāлт щи мўвн васюганской диалектāн путремāты хāнтэт вәсāt. Лыв ин тāmхātл вәнты ищиты рāt мўвātн вәлдāt па тәп вәлды-холты ширлал па ясәел иса юремāсәл. Хāннехә нух хāншум вер мāнум 2010-мит олн Васюган мўв хāнтэт арателдн нивāлсоткем арата юхтыйлсāt. Иис вўшāt па ин тāmхātл вәнты немудты нәтупсы кәщайт эвāлт лыв āн па вантыйлсāt, кўш лыв рāt мўвдлн ищи мўв илпи таш нухды педы ям араткем кашāң ол мār холумды.

Шуши хāннехуятāt эвāлт уша йис, хутыса Новоюгино керт тывāс. Вес ёган ям пелāкн мātты ки Юкинāt хāнты хоттел ёх вәсāt. Лыв вәнашāk йовум кāt пухāл, китумтак ииמעна йовмел па юхан па пелāкн лывела йилуп керт вермел. Шциты Вес ёган парта пелāкн ёхāt Новоюгино керт тывāс, юхан ям пелāкн вәлум кертые Староюгино немн рўщātн мāсы.

Лыпāt хойты тылāщн 24-мит хātāлн алāң вўш эвāлт па хātл кўтуп вўш вәнта ма кўтуп āшколайн вәнлтыйлды няврēmātа хәлум литературной вāйтантупсы ләщātсум. Етна пелка Новоюгино кертāң рўтьщātы хотн шуши мир хāннехāйт пида па «Рāt дерлўв унтасн мўң таксарāt» немуп ентхот версум, хута и щос юкана хәлум щос мултас лўңтарāt хāнты па рўщ ясāятн лўңātсум, арат ари-



«Рāt дерлўв унтасн мўң таксарāt» ентхот вәлум Новоюгино кертāң хāннехуятāt, пўва пелāкн – йисāңнәптāң хāнты ими Т.Н. Кунафина (Караулова)

сум, моньщāt моньщсум. Вāйтантупсēt мāнум кемн ма немасыя хāнты не Татьяна Никифоровна Кунафина (Караулова) пида путремāсум, вәлупсәл, олāңāн иньщāссем.

Татьяна Никифоровна, хән нāң сема питсāн па хута айтелн енумсāн?

► Ма 1950-мит олн Забегаловка немуп ай кертāн Вес ёган юхан хуца сема питсум. āңкев-ащев щи олātн «Рыбак» артель тāхия вой па хўл велпāслуман рәпитсāңāн. Мўң хулыева Нюрольской сельской совет хуца хāншаньщман тāйсыюв. Яма нәмдем, хуты ар няврēm семьяевн енмās. Тәп лыв иса айтелн сурма питсāt. Вантэ, тәп āңкем ай пух муй эви муцатл, кāt-хәлум хātл юлн вәл па щālта артель кәщайтн имухты велпāса ащем пида китды. Шци пāта яйнāлдам па упеңāдам ай пурайн āнтәма йисāt. Тәп

и хә апщем ёхāt атәлт ширн хāщс. Няврēm хātл мār лавāлды хот щи йисн āнтәм вәс. Ма ай апщем āңкемн-ащемн хинт лыпи хуца пāнāн хўл велпāса тәтьлясы, ма па лыв юпелдн йāңхсум.

Хән āшколая мāнсāн, алпа, хāнты ясāңāн путāртты йамсыева хошсāн?

► āнтә. Мўң юлн вәлман иса рўщ ясāңāн путāртсўв. Вантэ, сыры олātн шеңк елөмтсўв кўтэвн рāt ясāңāн путремāты. āңкев-ащев щи хāнты ясāңāн лыв ширелдн лупсāңāн. Шци киньща ләпāt ола йовмемн хәлмит классāң āшколая мўң ай кертэвн йāңхсум. Щālта иса нāлмит класс вўш эвāлт па яңмит классāt вўш вәнты Усть-Чижапка немуп кўтуп āшкола-интернатн елды вәнлтыйлдсум. Вәнл-тātты вер шеңк сāmāңа тāйсем, щи пāта 1968-мит олн яма кўтуп āшколаем етшуптāссем. Ленинград воша увāс мирāt

факультета китты вўтьщийлдсыюм. Па āңкем мәшāңа йис: ёшāл-кўр-āл тāлаңтелдн сашдыя йисāн па юлн и тāхийн вәлды тәп веритās. Шцитемн ма елды вәнлтыйлды верем хāйсем. āңкем пида юлн вулкемāсум па хотāң войт енмāлсум. Ёхāt па 1970-мит олн ма заочной ширн Томск вош культпросветучилищайн кина хурāt ванлātты неңа вет ол мār вәнлтыйлдсум. Щālта ләпāt ол мār Забегаловка ай кертыев рўтьщātы хот кәща неңа рәпитсум, итөх пурайн кинайт па ванлātсум.

Имудтыйн кертэв ләп тәхāрсы. Шци пурайн 1975-мит олн Новоюгино кертā хоттел ёхлдам пида касāлсум. Тāта общежитие вәс, хута ар пелāк эвāлт хāннехуятāt юхтыйлсāt па вәсāt. Лыв вәнātн юх эвāтты тāхетн рәпитсāt. Ма щи общежитие хотн комендант неңа йисум па пенсияя питты вўш вәнты иса щи тāхийн вәсум па рәпитсум.

Татьяна Никифоровна, сыры олātн па Новоюгино кертāн вәлменāн, алпа, хāнтэт кўтәлн рāt ясāңāн йама путремāсāt?

► Шци пурайн тәп мўң пирāщ ёхлўв путāртсāt, айлāt хāннехуятāt – рўщ ясāңāн. Ма, вантэ-сār, па ймкем арат ясāң вāйтлум, тәп тўңширāңа лупты ин āн па веритлум.

Путār хāншās:
Вениамин Енов



Ар хилы тайты ими

Ёмвош район Мосум мўвн ма вѳтаѳа йисум ханты не Федосья Андреевна Славных пида. Лўв ар ол вухсарѳт енмѳлды хотн рѳпитѳс, тѳм олн 60 ода йис.

Аҥкел-ащел Елена Алексеевна па Андрей Николаевич Хоровѳн дапѳт няврѳм – вет пух па кѳт эви – тайсѳн. Ин лыв эвѳлтѳда тѳп Федосья Андреевна хѳщѳс. Ащел вой па хўд велпѳслѳты хѳя вѳс. Аҥкел арсыр рѳпата тайс па юдн няврѳмѳт енмѳлман вѳс. Ай пура олдал олѳнѳн Федосья Андреевна щиты путѳртѳс:

» Ма тѳта Кышик вошн сѳма питсум па енумсум. Ай пура олдам ѳмща мѳнсѳт. Кашѳн хѳтл пухиет иты камн юнтсўв, хѳхѳтлѳсўв. Юдн иса ѳн омѳссўв.

Аҥкел-ащел Вѳн Вар юхан хонѳнѳн вѳнт кѳрт тайсѳнѳн, щѳта велпѳслѳснѳн. Иса хўд колхоза мѳснѳн. Рѳт ѳхлѳл ищи щѳ мўвн вѳнт кѳртѳт тайсѳнѳн. Тѳп мўн ин щѳ тѳхѳта мосты непекѳт ѳн тайлўв. Щѳирн вѳнт кѳртѳв ѳн тайлѳв. Рѳт ѳхлўв пухѳма мўв хѳрыѳе мѳсѳт, щѳта мўн хўд велпѳслѳлўв.

Федосья Кышик вошн ѳшкола етшуптѳс па елды вѳнлѳтѳйлѳты вўтѳсѳ, тѳп аҥкел кѳшаѳа йис, щѳирн лўв вѳнлѳтѳйлѳты ѳн мѳнѳс, аҥкѳла иса верѳтн нѳтѳс. Ёхѳтшѳк аҥкел ѳнтѳма йис, Федосья Андреевна упѳд хущи вѳлѳты мѳнѳс, лўв Тюмень вош пўнѳлн вѳс.

» Щѳта ма яѳ ол мѳр вѳсум па рѳпитсум. Икия мѳнсум, щѳит Пѳтр Сергеевич Славных вѳс. Хѳ-

лум няврѳм сѳма питсѳт. Икѳм ѳнтѳма йис, щѳирн ма нумѳсн юхѳтсыюм рѳт вошѳма касѳлды. Няврѳмдам пида юхи юхѳтсум, – лупѳс Федосья Славных.

Кышик воша юхѳтмѳлн лўв госпромхозн рѳпитѳты питѳс, вухсарѳт енмѳлды хотн ар ол рѳпитѳс. Щѳи олѳнѳн лўв щѳиты путѳртѳс:

» Щѳта мўн ар хуят рѳпитсўв. Кашѳн неѳа сот мулѳас вухсѳр давалѳты мосѳс. Вухсарѳт дапѳтсўв, хотлѳл сыстамсўв. Щѳи пурайн кѳщѳя Виктор Георгиевич Подпругин вѳс. Госпромхоз яма рѳпитѳс, мир иса планѳт тѳкнуптѳсѳт. Щѳѳта ма 2003-мит ол вѳнты рѳпитсум, щѳи олн вухсарѳт енмѳлды хот лѳп тѳхѳрсы.

Кышик вошн Федосья Андреевна кимит пўш икия мѳнѳс, щѳит Анатолий Яковлевич Лозьямов вѳс, Виталий пухѳн сѳма питѳс. Кимит икѳл ѳхѳтшѳк ищи ѳнтѳма йис. Федосья Андреевна ин нивл хилы тайл, няврѳмѳла дывты енмѳлды нѳтл. Лўв лупѳс:

» Ма пидама Алексей па Виталий пухнѳлдам хотѳн ѳхлѳл пида вѳллѳт. Наталья эвѳм вет няврѳм тайл. Александр вѳн пухѳм Курган вошн сѳмьѳйл пида вѳл. Нѳл няврѳмдам тумпи ма аспухѳм па асѳвѳм енмѳлсум, дын йивлыаслыѳя хѳщсѳнѳн. Лиза ин дѳтут кавѳртѳты неѳа йис, лўв ащѳл 9-мит класс етшуптѳс.



▲ Ф.А. Славных эвѳл па хилѳл пида. Н. Рагимова верум хур

Федосья Славных путѳртѳс, хуѳты лўв рўѳтыѳты пурайн вѳнта воньшумут, тулѳх ѳкѳтѳты ѳнѳхийл, пухлѳда хўд велпѳслѳты ищи нѳтл. Тѳп и нўша юхѳтѳс, ин Кышик пўнѳлн мўв илпи тѳщ холумѳты ѳх рѳпитлѳт. Щѳирн кашѳн олн юханѳн хўд шимѳла йил. Федосья Андреевна пухѳл Виталий щѳи олѳнѳн щѳиты путѳртѳс:

» Интѳм шимѳл тѳхи хѳщѳс, хуѳта мўн хўд па вой велпѳслѳты щѳир тайлўв. Иса тѳхѳетн мўв илпи пѳты вуй вўты ѳх рѳпитлѳт. Щѳи тѳхѳет вѳнты ѳш версы, ин ар хуят тѳта вой па хўд велпѳслѳты питсѳт, войт иса ара мѳнсѳт, хўд ищи ѳнтѳм. Тѳп мойпѳрѳт ѳнѳхлѳт. Вѳн Вар юханѳн мўв илпи тѳщ вўты ѳх нурум омѳссѳт, щѳи ут ванкўлѳды сыстамѳты мосл. ѳн сыстамѳты пѳта

хўд щивѳлт иса мѳнл. Мѳнум олн щѳѳта мѳвѳты велпѳслѳсўв, тѳм олн иса ѳнтѳм.

Мосл лупѳты, Мосум мўвн ар хѳнтѳт вѳнт шушет тайлѳт, щѳи тѳхѳетн па хуятѳта хўд велпѳслѳты па воньшумут ѳкѳтѳты ѳн рѳхл. Щѳирн щѳи ѳх, хуѳтѳт вѳнт кѳрт ѳн тайлѳт, тѳп Кышик вош пўнѳлн воньшумут ѳкѳтѳты па хўд велпѳслѳты щѳир тайлѳт.

Тѳм олн Федосья Андреевна Славных 60 ода йис. Ма лўвѳла сѳма пѳтум хѳтлѳл па аҥки ѳмѳнѳхѳтл пѳта лѳнѳхѳлум хошум ѳснѳт лупѳты, уѳнѳа-пищѳѳа, яма хотѳн ѳхлѳл пида ат вѳллѳт! Няврѳмѳл па хилѳлѳл лўвѳла уѳ, ѳмѳт ат тѳлѳт. Тѳлѳн ѳш, тѳлѳн кўр!

Путѳр хѳншѳс:
Надежда Рагимова



Велци университета юхатсум...



▲ Тюменской государственной университет



▲ Мария Гришкина

Адҕа. Дарат олаңмит хатл. Автобус. Ма ямсыева хулна нух ҕн вердасум, тәп автобусн университетта мәнлүм. Интәм па Тюменской государственной университетн хәлмит курсән вәнлтыйлдум. Елды айкеләт акатты неңа йилдум. «Хәлүм ол ши мәнәс, тәп, ма щиремн, мулхатл олаңмиткурсащиюхатсум, – нумса юхтәс. – Шеңк сора кәм пәрәс! Вәйт дор тыдәш. Инуша йил, муйсәр университетн вәнлтыйлдытты питлүм. «Екатеринбург «Лингвистика» – мосты непек ҕн тәрмәл, Санкт-Петербург «Филология» – шеңк ар хуят щив вүратл, непекн ма – 451-мит тәхийн хәншман вәлдүм, Новосибирск «Филология» – тәрүм пәта вәнлтыйлдытты и балл ҕн тәрмәл, Ёмвош «Лингвистика» – и экзамен ҕн мәсүм. Тәп Тюмень вош «Журналистика» тәхи хәшәс.

Ма университет сайт пүншсум... Шеңк ям! Непекн ма – олаңмита хәншман вәлдүм. «Алпа, щит ма вәлүпсәм, – имухты нәмәссүм. – Щиты щирн щи мосл».

Вәйт дор тыдәш, 30-мит хәтл, 2019-мит ол. 7:00 щос. Тәмхәтл – ма олаңмит хәтлдем Тюмень вошн вәлдүм. Ма еша пәлдүм, вантә, ащәм, аңкем, яём ванән антәмәт. Ма – атәлт, па тәм хәтл вүш эвәлт ма вән вәлүпсыя питсүм. Мәнема вәлты-холты хота нух хәншаньщты мосл, хот йитн ма пидема вәлты эви пидә вәйтантийлдытты па вош вантты мосл. Такси щирн тәтыдыты хә университет «Приёмная комиссия» хәншум непек пүңәлн вулдыс.

– Хәтлән яма ат мәнл!
– вотум ухпи ики лупәс.

– Па ям вәда! – «Кia» немпи машина эвәлт ким етмемн юхды лупсүм па йилуп вәлүпсыя шәш-мәсүм.

Вәйт дор тыдәш, 30-мит хәтл, 2019-мит ол, 24:00 щос. Ма хулна уллүм, тәм мәнүм хәтлдем олаңн нәмәлмәсүм. Ма Тюменя вәлты юхатсүм. Нял ол тәта вәлты питлүм. Вәлты-холты хота луңмемн ма имухты уша версүм – дыпийн дәщкам, хурам, сыстам. Кашәң этаж немасыя олюпн нерман вәл. Олаңмит этаж – вүщлүм, кимит – етархәри,

хәлмит – вусты, нядмит – вүрты вүщлүм, ветмит – фиолетовой. Ма ветмит этажн вәлдүм, вүрты вусты олюп мосман тәйлдем. Мүң хот йитэвн йилуп па хурамәң хот пурмәсәт вәлдәт. Кашәң хуят атәлт вән ашкап, пәсан, нурум тәйл. Хот йит ай, кәт хуят пәта. Кәт нартупәң нуры, щимәщ нурийн ма ай пураёмн улсүм. Йилпа ма кимит нартупн уллүм. Ма пидема Наташа эви вәл. Лүв Ямал мүв эвәлт. Ма нух амәтсүм.

– Мин ванән вәлдүмн, – ма лупсүм.

– Нәң мәта тәхи эвәлт? – Наташа иньщәсәс.

– Ма Ёмвош эвәлт.
Лүв ма педема вантәс.

– Щит Ёмвош округ. Ма мосты Югра мүйеём! – ма лупсүм, дәлн Наташа имухты уша ат версәлз, муйсәр тәхи эвәлт ма юхатсүм.

Әпәтләл вүркамәт, лүв ай пәлат, күдәң па ня-хәң-юнтәң эвие. «Мин имухты дәйңа йилүмн», – ма нәмәслүм.

Васы мәнты тыдәш 25-мит хәтлән. Кәт ол мәнәс. Ма автобус эвәлт мосты университетем пүңәлн ким етсүм. Еша дольсүм,

нәмәлмәсәм, муй щирн хәнты ма тыв олаңмит пүш юхатсүм.

Лыпәт хойты тыдәш 14-мит хәтлән 2019-мит олн. 10:00 щос. Тәмхәтл, ма олаңмит пүш университетта мәнлүм. Ма аләңсахәт хот йитем хүват тывелт-тухелт университетта ләщәтыйлман шәшлүм. «Йилуп тетрадка вүты мосл, сумкаёма пунты», – елды нәмәслүм. – Хәншты юхем пунсем, вәлты-холты хотема есәлты непекем вүсем, студенческой билетем ищи адемәсәм...»

Ма пидема вәлты эви хулна ул, тәп ма шеңк термәләлүм. – Ям, хуты вәлты-холты хотем университет пүңәлн вәл, тәп вош хулы шәпи мәнты па ши юхатсүм.

14:00 щос. Ма университет хот йита луңсүм, щәта ма пидема вәнл-тыйлдытты айлат ех әктәшсәт.

– Ма немем Катя.
– Нәң тәрүм пәта вәнлтыйллан?

– Путәр хәншты пурайн нәң муйкем арат балл холумсән?

– Ма юхды ашколяя керләты дәңхалум.

Хот йитн сыяң, кашәң,



хуят путартал, муй лув там университет, Тюмень вош олаңан нәмәсл. Мәнем ёдем, щирн ма юхи хәшум пәсана мәнсум. Хот йит ямсыева нух вантсем. Катра хот. Хот питәр ара похәс. Ишни хоп юх эвәлт верум. Хот хәрийн линолеум лаңксы, лув шихәртәл. Пәсанәт партайт иты. Вәдас юкана хув омәсты нурәт. Хот йит шеңк вән әнтә. «Лупды, мәтты ки тата хәнты мўңев вәндтәты ёх вәндтыйлсәт», – сацл.

Ма ухем каремәсем па хурасәң эви шиваләсум. Ващ, питы әпәт, вән питы семңан тайты эви. Лув турпал, вуртыя нермал, щирн худыева лув пеләда вантләт. Лув йилуп пилнедал пида путартәл.

– Ям хәтл! – вәндтәты неңев лупәс.

– Вўща вәдаты! – и тур сыйн юхды лупсўв.

– Ма немем Ольга Александровна Петрова. Ма нынан айкеләт әкәтты вера вәндтәты питлум. Мет сыры вәтаңа йилув.

Васы мәнты тыләщ 25-мит хәтл 2021-мит ол. Ма университет елпийн долълум. Щит вера катра хот, ешавәл ши рохнемәл. Щирн там лўңан вән кәщайт и нумса юхәтсәт – университет пәта йилуп хот омәсты. Ма университет катра хот пелы шўмаля вантлум. Щәта ма вәндтыйлды олңитсум.

«Ищки, – имухты нәмәссум. – Вәндтыйлды пура юхтәс».

Мария Гришкина хәншум путәр хәнты ясаңа тулмащтәс:
Людмила Гурьева

Нуви тўт мәты карты кел эвәлт давләсты мосл



ПӘЛДТАП! Нуви тўт мәты карты кел тайты шўңкәта вана-мәты па нўх хәңхты ән рәхл!



ПӘЛДТАП! Хот питәрн вәлды розеткайта немәлт ут лукемәты ән рәхл!



ПӘЛДТАП! Трансформаторной тәхия хәңхты па щив ванамаы иса ән рәхл!



ПӘЛДТАП! Нуви тўт мәты карты кел пўңәлн юнтты ән рәхл!



ПӘЛДТАП! Нуви тўт мәты тохнум карты кел хуща ванамаы ән рәхл!



ПӘЛДТАП! Нуви тўт мәты карты кел талты аңкәл илпийн хўд велты ищи ән рәхл!



ПӘЛДТАП! Нуви тўт мәты тўт суна па ищимащ шўңка кетумты ән рәхл!



ПӘЛДТАП! Йиңк пўңәлн тайты иса ән рәхл!



ПӘЛДТАП! Йиңки ешн сыр-сыр электрической пурмәсәт кетумты ән рәхл!

Тәм лопәс ләщәтәс: **Ирина Самсонова**



Панне ики па вухсар ими



Имудты сўсн вэйт пеллак Ай Ас питәр хўватн вухсар ими тывелт-тухелт әл яңхәл. Щиты яңхтал күтн ийңк хуща ям вән панне ики шиваләл.

Лўв пан питәра навәр-мәс, панне икен щиты иньщмәслә:

» *Ей, ики, ики, ма мулхатл тәм пан хуща вәсум па хўл велпәсләты хуятәт пугрәт хәләнтсум. Лыв нәң ол-ңенән тәмиты пугартсәт, мятты нәң шеңк тумайң па әл вәлты кашн велпәса ән па пилдән. Велпәс әх щирн, нәң тәм Ай Асәв хўватн сора тывелт-тухелт вәщийлдән па мятты ки па немудты войн па хўдн нәхәлты ән па веритлән! Ма нәмәстемн, щиты и вер неш әнтәм. Муй хурасуп нәң нюмәр па шеңк күл! Муй щирн нәң мәнәм нәхәлты веритлән? Тәм вэйт пеләк вәнтем хущи ма мет тумайң воя лўңтәслум па мет сора хәхәтлјлум! Мулхатл мухәйт щикўш нәңен ишәксәт, ма араттем щир нәң ищипа ән тәйлән.*

» *Нәң, вухсар ими, щимәщ каш ки тәйлән, хәлзәвт кәслумн. Щәха уша йил, мәта утәв тәм мўвевн-ийңкевн мет сора яңхты веритл!*

Щи ясәңдал пида панне ики ийңка мәртәс. Юхи юхәтмадн лўв хўд рәт әхләл ияха әктәс па ин худыева нәмәсты питсәт, муй щирн хәлзәвт хәтәдн

вухсар имен эвәлт юхды ән хәщты па лўв нўмпела питты.

Хўв муй ван күт панне хўләт нәмәссәт. Щи киньша мет пирщамум панне ики щиты әхләл пелы лупәс:

» *Хәлзәвт итн-итн Ай Ас пан питәр хўват вәщаты па нын эвәлдана хўв күтәтн ил вулыяты. Вухсар имен щи тәхи эвәлт елды сора хәхәлты питл, панне ики па Ай Ас ийңк хўват вәщты керләл. Тәп ин лўв ийңка мәртәл па вухсар неңәл пида әрәщты питл, кимит, хўвн вәлты панне ийңк эвәлт нух ат етәл па така щиты ат ўвәл: «Ей, вухсар ими, ма тәта щи, ма нәңен ищипа нәхәлсем!»*

Еша вәд хәлзәвта йис, паннеңәт худыева и тәхия әктәщсәт па Ай Ас пан питәра вәщсәт, хўв күтәтн итн-итн ийңк хущи лольсәт.

Имудтыин вухсар имен панне икен пида әрләл-щомләл арталәты юхтәс. Щитәдн дын кәсты питсәңән: вухсарән пан питәр хўват така ел хәхәлмәс, паннеңен ийңка мәртәс па сора вәщты керләс.

Вухсар имен, хәхәлтәл щирн, хәлдәлә, хуты панне икен лўв елпелдн ийңк эвәлт нух етмәс па така ел ўвтәс:

» *Ей, вухсар ими, ма тәта щи, ма нәңен ищипа нәхәлсем!*



» Леонид Лар хәншум хур

Вухсар ими па мет така хәхәлты пиньсәс. Хўв муй ван лўв щиты сора хәхләс па ийңк эвәлт па щи панне икен нух етмәс па ел ўвтәс:

» *Ей, вухсар ими, ма тәта щи, ма нәңен ищипа нәхәлсем!*

Щи киньша вухсар ими мет така хәхәлты керләс. Еша вәс панне ики па нух етмәс па мет така лўвела ўвтәс:

» *Ей, вухсар ими, ма тәта щи, ма нәңен ищипа нәхәлсем!*

Вантләлә вухсар ими, хуты лўв тәлаң хәлмит пўш панне икен эвәлт юхи хәсәс. Щитәдн лўв кәсты щирәл вушкәслә па елды вәнта щи хәхәлмәс.

Владимир Енов

Ас хәнтәт йис әх пугрәт щирн хәншум моньщәл

Ханты ясанг
(Хантыйское слово)
№22 (3586), 18.11.2021

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Врио директора, главный редактор – **Кондина Г.Р.**
Телефон (3467) 33-36-82

Заместитель главного редактора – **Вах Н.И.**
Телефон (3467) 33-24-02

Ответственный секретарь – **Рагимова Н.В.**
Телефон (3467) 33-24-02

Адрес редакции и издателя:

628011, г. Ханты-Мансийск,
ул. Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул.Маяковского, 14.

Индексы **04393, 54393**

Тираж **2166** экз.

Заказ **4859**

Цена свободная

Газета
зарегистрирована
Управлением Федеральной
службы по надзору в
сфере связи,
информационных технологий
и массовых коммуникаций по

Тюменской области, ХМАО-
Югре и ЯНАО.

Свидетельство о регистрации
ПИ №ТУ 72-00796
от 23 января 2013 г.

Мнение авторов публикаций
не обязательно отражает
точку зрения редакции.